

适合做书签的唐诗

1.
城上高楼接大荒，海天愁思正茫茫。惊风乱飐芙蓉水，密雨斜侵薜荔墙。
岭树重遮千里目，江流曲似九回肠。共来百越文身地，犹自音书滞一乡。
——柳宗元《登柳州城楼寄漳汀封连四州》
2.
苍苍竹林寺，杳杳钟声晚。荷笠带斜阳，青山独归远。——刘长卿《送灵澈》
3.
早被婵娟误，欲妆临镜慵。承恩不在貌，教妾若为容。风暖鸟声碎，日高花影重。
年年越溪女，相忆采芙蓉。——杜荀鹤《春宫怨》
4.
山雨溪风卷钓丝，瓦瓯篷底独斟时。醉来睡着无人唤，流到前溪也不知。
——杜荀鹤《溪兴》
5.
自君之出矣，不复理残机。思君如满月，夜夜减清辉。——张九龄《赋得自君之出矣》
6.
云开远见汉阳城，犹是孤帆一日程。估客昼眠知浪静，舟人夜语觉潮生。
三湘愁鬓逢秋色，万里归心对月明。旧业已随征战尽，更堪江上鼓鼙声。
——卢纶《晚次鄂州》
7.
江碧鸟逾白，山青花欲燃。今春看又过，何日是归年。——杜甫《绝句》

》

8.
月暗送湖风，相寻路不通。菱歌唱不彻，知在此塘中。——崔国辅《小长干曲》

9.
岭外音书断，经冬复历春。近乡情更怯，不敢问来人。——宋之问《渡汉江》

10.
向晚意不适，驱车登古原。夕阳无限好，只是近黄昏。——李商隐《乐游原》

11.
积雨空林烟火迟，蒸藜炊黍饷东菑。漠漠水田飞白鹭，阴阴夏木啭黄鹂。山中习静观朝槿，松下清斋折露葵。野老与人争席罢，海鸥何事更相疑。——王维《积雨辋川庄作》

12.
泠泠七弦上，静听松风寒。古调虽自爱，今人多不弹。——刘长卿《听弹琴》

13.
昨夜风开露井桃，未央前殿月轮高。平阳歌舞新承宠，帘外春寒赐锦袍。——王昌龄《春宫怨》

14.
炉火照天地，红星乱紫烟。郝郎明月夜，歌曲动寒川。——李白《秋浦歌》

15.
燕台一望客心惊，笳鼓喧喧汉将营。万里寒光生积雪，三边曙色动危旌。沙场烽火连胡月，海畔云山拥蓟城。少小虽非投笔吏，论功还欲请长

纓。——祖咏《望蓟门》

16.

千山鸟飞绝，万径人踪灭。孤舟蓑笠翁，独钓寒江雪。——柳宗元《江雪》

17.

君问归期未有期，巴山夜雨涨秋池。何当共剪西窗烛，却话巴山夜雨时。
——李商隐《夜雨寄北》

18.

天长路远魂飞苦，梦魂不到关山难。长相思，摧心肝！——李白《长相思》

19.

相送临高台，川原杳无极。日暮飞鸟还，行人去不息。——王维《送袁拾遗》

20.

向晚意不适，驱车登古原。夕阳无限好，只是近黄昏。——李商隐《登乐游原》

21.

功盖三分国，名高八阵图。江流石不转，遗恨失吞吴。——杜甫《八阵图》

22.

一上高城万里愁，蒹葭杨柳似汀洲。溪云初起日沉阁，山雨欲来风满楼。
鸟下绿芜秦苑夕，蝉鸣黄叶汉宫秋。行人莫问当年事，故国东来渭水流。
——许浑《咸阳城东楼》

23.

天秋月又满，城阙夜千重。还作江南会，翻疑梦里逢。风枝惊暗鹊，露草覆寒蛩。
羁旅长堪醉，相留畏晓钟。——戴叔伦《客夜与故人偶集》

24.

长江悲已滞，万里念将归。况属高风晚，山山黄叶飞。——王勃《山中》

25.

车辚辚，马萧萧，行人弓箭各在腰。耶娘妻子走相送，尘埃不见咸阳桥。——杜甫《兵车行》

26.

郎骑竹马来，绕床弄青梅。同居长干里，两小无嫌猜。——李白《长干行》

27.

冰簟银床梦不成，碧天如水夜云轻。雁声远过潇湘去，十二楼中月自明。——温庭筠《瑶瑟怨》

28.

寥落古行宫，宫花寂寞红。白头宫女在，闲坐说玄宗。——元稹《行宫》

29.

幽意无断绝，此去随所偶。晚风吹行舟，花路入溪口。际夜转西壑，隔山望南斗。潭烟飞溶溶，林月低向后。生事且弥漫，愿为持竿叟。——綦毋潜《春泛若耶溪》

30.

昨夜裙带解，今朝蟾子飞。铅华不可弃，莫是橐砧归？——权德舆《玉台体》

31.

江涵秋影雁初飞，与客携壶上翠微。尘世难逢开口笑，菊花须插满头归。但将酩酊酬佳节，不用登临恨落晖。古往今来只如此，牛山何必独沾衣？——杜牧《九日齐山登高》

32.

清明时节雨纷纷，路上行人欲断魂。借问酒家何处有？牧童遥指杏花村。
。——杜牧《清明》

33.

离离原上草，一岁一枯荣。野火烧不尽，春风吹又生。——白居易《赋得古草原送别》

34.

夕阳度西岭，群壑倏已暝。松月生夜凉，风泉满清听。樵人归欲尽，烟鸟栖初定。之子期宿来，孤琴候萝径。——孟浩然《宿业师山房待丁大不至》

35.

三顾频频天下计，两朝开济老臣心。出师未捷身先死，长使英雄泪满襟。
。——杜甫《蜀相》

36.

日暮苍山远，天寒白屋贫。柴门闻犬吠，风雪夜归人。——刘长卿《逢雪宿芙蓉山主人》

37.

城阙辅三秦，风烟望五津。与君离别意，同是宦游人。海内存知己，天涯若比邻。无为在歧路，儿女共沾巾。——王勃《送杜少府之任蜀州》

38.

宜阳城下草萋萋，涧水东流复向西。芳树无人花自落，春山一路鸟空啼。
。——李华《春行寄兴》

39.

岱宗夫如何，齐鲁青未了。造化钟神秀，阴阳割昏晓。荡胸生曾云，决眦入归鸟。会当凌绝顶，一览众山小。——杜甫《望岳》

40.

长安一片月，万户捣衣声。秋风吹不尽，总是玉关情。何日平胡虏，良人罢远征。——李白《子夜吴歌·秋歌》

41.

垂緜饮清露，流响出疏桐。居高声自远，非是藉秋风。——虞世南《蝉》

42.

朔风吹海树，萧条边已秋。亭上谁家子，哀哀明月楼。自言幽燕客，结发事远游。赤丸杀公吏，白刃报私仇。避仇至海上，被役此边州。故乡三千里，辽水复悠悠。每愤胡兵入，常为汉国羞。何知七十战，白首未封侯。——陈子昂《感遇》

43.

飒飒东风西雨来，芙蓉塘外有轻雷。金蟾啮锁烧香入，玉虎牵丝汲井回。贾氏窥帘韩椽少，宓妃留枕魏王才。春心莫共花争发，一寸相思一寸灰。——李商隐《无题》

44.

剑外忽传收蓟北，初闻涕泪满衣裳。却看妻子愁何在，漫卷诗书喜欲狂。白首放歌须纵酒，青春作伴好还乡。即从巴峡穿巫峡，便下襄阳向洛阳。——杜甫《闻官军收河南河北》

45.

几行归塞尽，念尔独何之。暮雨相呼失，寒塘欲下迟。渚云低暗度，关月冷相随。未必逢矰缴，孤飞自可疑。——崔涂《孤雁二首·其二》

46.

明月出天山，苍茫云海间。长风几万里，吹度玉门关。——李白《关山月》

47.

山光物态弄春晖，莫为轻阴便拟归。纵使晴明无雨色，入云深处亦沾衣。——张旭《山行留客》

48.

移舟泊烟渚，日暮客愁新。野旷天低树，江清月近人。——孟浩然《宿建德江》

49.

昔人已乘黄鹤去，此地空余黄鹤楼。黄鹤一去不复返，白云千载空悠悠。晴川历历汉阳树，芳草萋萋鹦鹉洲。日暮乡关何处是，烟波江上使人愁。——崔颢《黄鹤楼》

50.

怀君属秋夜，散步咏凉天。空山松子落，幽人应未眠。——韦应物《秋夜寄邱员外》

51.

薰风殿阁樱桃节，碧纱窗下沈檀爇。小扇引微凉，悠悠夏日长。——顾太清《菩萨蛮》

52.

玉露凋伤枫树林，巫山巫峡气萧森。江间波浪兼天涌，塞上风云接地阴。丛菊两开他日泪，孤舟一系故园心。寒衣处处催刀尺，白帝城高急暮砧。——杜甫《秋兴八首·其一》

53.

江南有丹橘，经冬犹绿林。岂伊地气暖，自有岁寒心。可以荐嘉客，奈何阻重深。运命惟所遇，循环不可寻。徒言树桃李，此木岂无阴？——张九龄《感遇》

54.

浮云游子意，落日故人情。挥手自兹去，萧萧班马鸣。——李白《送友人》

55.

春眠不觉晓，处处闻啼鸟。夜来风雨声，花落知多少。——孟浩然《春晓》

56.

鸡鸣紫陌曙光寒，莺啭皇州春色阑。金阙晓钟开万户，玉阶仙仗拥千官。
花迎剑珮星初落，柳拂旌旗露未干。独有凤凰池上客，阳春一曲和皆难。
——岑参《奉和中书舍人贾至早朝大明宫》

57.

君家何处住，妾住在横塘。停船暂借问，或恐是同乡。——崔颢《长干行》

58.

暮景千山雪，春寒百尺楼。独登还独下，谁会我悠悠。——杜牧《题敬爱寺楼》

59.

相见时难别亦难，东风无力百花残。春蚕到死丝方尽，蜡炬成灰泪始干。
——李商隐《无题》

60.

平野春草绿，晓莺啼远林。日晴潇湘渚，云断岫嵒岭。——柳宗元《零陵春望》

61.

归山深浅去，须尽丘壑美。莫学武陵人，暂游桃源里。——裴迪《送崔九》

62.

花间一壶酒，独酌无相亲。举杯邀明月，对影成三人。月既不解饮，影徒随我身。
暂伴月将影，行乐须及春。我歌月徘徊，我舞影凌乱。醒时同交欢，醉后各分散。
永结无情游，相期邈云汉。——李白《月下独酌》

63.

朝日点红妆，拟上铜雀台。画眉犹未竟，魏帝使人催。——崔国辅《魏宫词》

64.

终日望夫夫不归，化为孤石苦相思。望来已是几千载，只似当时初望时。
——刘禹锡《望夫山》

65.

自君之出矣，宝镜为谁明？思君如陇水，长闻呜咽声。——雍裕之《自君之出矣》

66.

隐隐飞桥隔野烟，石矶西畔问渔船。桃花尽日随流水，洞在清溪何处边。
——张旭《桃花溪》

67.

林暗草惊风，将军夜引弓。平明寻白羽，没在石棱中。——卢纶《和张仆射塞下曲·其二》

68.

陇外长亭堠，山深古塞秋。不知呜咽水，何事向西流。——崔国辅《渭水西别季仑》

69.

空山新雨后，天气晚来秋。明月松间照，清泉石上流。竹喧归浣女，莲动下渔舟。随意春芳歇，王孙自可留。——王维《山居秋暝》

70.

江汉曾为客，相逢每醉还。浮云一别后，流水十年间。欢笑情如旧，萧疏鬓已斑。何因不归去？淮上有秋山。——韦应物《淮上喜会梁川故人》

71.

王濬楼船下益州，金陵王气黯然收。千寻铁锁沉江底，一片降幡出石头。人世几回伤往事，山形依旧枕寒流。今逢四海为家日，故垒萧萧芦荻秋。——刘禹锡《西塞山怀古》

72.

海上生明月，天涯共此时。情人怨遥夜，竟夕起相思。——张九龄《望月怀远》

73.

江汉深无极，梁岷不可攀。山川云雾里，游子几时还。——王勃《普安剑阴题壁》

74.

打起黄莺儿，莫教枝上啼。啼时惊妾梦，不得到辽西。——金昌绪《春怨》

75.

故人西辞黄鹤楼，烟花三月下扬州。孤帆远影碧空尽，惟见长江天际流。——李白《送孟浩然之广陵》

76.

朝朝碧山下，夜夜沧江曲。复此遥相思，清尊湛芳醑。——王勃《寒夜思》

77.

离人无语月无声，明月有光人有情。别后相思人似月，云间水上到层城。——李冶《明月夜留别》

78.

不向东山久，蔷薇几度花。白云还自散，明月落谁家。——李白《忆东山》

79.

海日生残夜，江春入旧年。乡书何处达？归雁洛阳边。——王湾《次北固山下》

80.

春城无处不飞花，寒食东风御柳斜。日暮汉宫传蜡烛，轻烟散入五侯家

。——韩翃《寒食》

81.

自君之出矣，不复理残机。思君如满月，夜夜减清辉。——张九龄《自君之出矣》

82.

葡萄美酒夜光杯，欲饮琵琶马上催。醉卧沙场君莫笑，古来征战几人回？——王翰《凉州词》

83.

红豆生南国，春来发几枝。愿君多采撷，此物最相思。——王维《相思》

84.

小时不识月，呼作白玉盘。又疑瑶台镜，飞在青云端。仙人垂两足，桂树何团团。白兔捣药成，问言与谁餐？蟾蜍蚀圆影，大明夜已残。羿昔落九乌，天人清且安。阴精此沦惑，去去不足观。忧来其如何？凄怆摧心肝。——李白《古朗月行》

85.

天问复招魂，无因彻帝阍。岂知千丽句，不敌一谗言。——陆龟蒙《离骚》

86.

纪叟黄泉里，还应酿老春。夜台无晓日，沽酒与何人。——李白《哭宣城善酿纪叟》

87.

故关衰草遍，离别自堪悲。路出寒云外，人归暮雪时。——卢纶《送李端》

88.

风急天高猿啸哀，渚清沙白鸟飞回。无边落木萧萧下，不尽长江滚滚来

。万里悲秋常作客，百年多病独登台。艰难苦恨繁霜鬓，潦倒新停浊酒杯。——杜甫《登高》

89.

此地别燕丹，壮士发冲冠。昔时人已没，今日水犹寒。——骆宾王《易水送人》

90.

三日入厨下，洗手作羹汤。未谙姑食性，先遣小姑尝。——王建《新嫁娘词》

本文链接：<https://duanjuziku.com/duanjuzi/t9pnkp5f7f.html>